

So getar ich nicht gepeinen mich  
 Daz ich do von icht mere sage  
 E daz ich is welle doch gedage  
 So wil ich sprechen mer  
 Nach der geschrift lere  
 Die mein irchvnd hier an ist  
 Got vnser herr iesu christ  
 Schied von got dem vater sein  
 Daz er was selb alsam der schein  
 Der von einem licht gat  
 Daz licht den schein doch pey ym hat  
 Vnd sint auch paide anders nicht  
 Man feuer vnd schein vn auch daz lieht  
 Ze gleicher wez alsam der mont  
 Daz wort mit der rede macht ehvnd  
 Vnd als daz herz pey ym treit  
 Beslozen di weisheit

Also cham von dem vater daz chint  
 Die gewaltres vngescheiden sint  
 Vnd anniger driualtichait

**S**eit ich daz nu wil sagen  
 Vnd sweigen muz vnd nicht fürbar sage  
 Von den drin genende gotes  
 Mit der hilf seines gepotes  
 Wold ich von der engel chraft  
 Vnd von der hymelischen herschaft  
 Gern sprechen n<sup>ich</sup>enchan  
 Noch en mag noch ez nicht genenne chan  
 Daz mein chünstloser sin  
 Tcht ze vil gesage von ym  
 Wan an gotes weisheit  
 Ist allen menschen verfair  
 Wie engelischer natur sey  
 Gote sint di engel pey  
 Daz si vor ym verpringen  
 An it dienstleichen dingen  
 Gotes dienst vnd sein gepot  
 Engel sint di naher <sup>sint</sup> got  
 Danne ander engel dy yman sehen  
 So in die ye neher spehent

So si in ye serer minnent  
 Vnd insemem liechte prinnent  
 Ez sint auch engel genant  
 Die werdent mdi werlt gesant  
 Ze sagen daz do sol geschehen  
 Pey got sint auch engel gesehen  
 Dy zaichen vnd wunder  
 Oftt mürchent besunder  
 Nern chor hant der engel schar  
 In engelischem orden gar  
 Dienent si got alle zeit  
 Dienstleichen wider streit

**D**ie engel hoheren namen sein  
 Danne ander engel daz tuer schein  
 Din heylig geschrift der vorheit  
 Engel sint dir zu beir  
 Daz si ander engel sendent  
 Vnd die die porrschaft endent  
 Daz erzaget zacharias  
 Der ein prophet hoch was  
 Ein engel wart zu ym gesant  
 Der do was von ym gewant  
 Ein ander engel ym do cham  
 Dem muost er sein gehorsam  
 Er sprach zu ym lauf nicht erwint  
 Vnd vnderweise mit rede daz chint  
 Sag ym hant ez fürbar sagen  
 Daz her nach in seinen tagen  
 Jerusalem gepawen wirt  
 Also daz maure si verpirt  
 Der leit daz ez was getan  
 Do von darf nyemant zweifel han  
 Ein engel schar sey merer  
 Gewaltiger vnd herer  
 Dan ander engel schar do pey  
 An it gewaltres chresten sey  
 An an liser vil oft hie vnd do  
 Vnd in geschriften anders sin  
 Daz ist hart vil geschehen  
 Daz zu heyligen auf die erde chommen angel